



Caderno da crítica

Cuestionario Proust: Antonio Reigosa

[Ramón Nicolás 1 Abril 2014](#)

<https://cadernodacritica.wordpress.com/2014/04/01/cuestionario-proust-antonio-reigosa/>

1.– Principal trazo do seu carácter?

-Quen me coñece di que son tranquilo e sensato. Oxalá!

2.– Que calidade aprecia máis nas persoas?

-A sinceridade.

3.– Que agarda das súas amizades?

-Só afecto compartido.

4.– A súa principal eiva?

-Non saber nada, pero nada, de música. Pero teño moitas máis.

5.– A súa ocupación favorita?

-Saber que o que me apetece facer non ten urxencia

6.– O seu ideal de felicidade?

-Vivir sen présa.

7.– Cal sería a súa maior desgraza?

-Que lles pasase algo malo ás persoas que quero.

8.– Que lle gustaría ser?

-Viaxeiro profesional. Gastar a vida viaxando.

9.– En que país desexaría vivir?

-Neste, a pesar de todo.

10.– A súa cor favorita?

-Entre o verde-prado e o azul-mar; non sei se terá nome

11. – A flor que máis lle gusta?

-A da abrula. Anuncia a primavera.

12.– O paxaro que prefire?

-O carrizo, polo ben que fai o niño.

13.– A súa devoción na prosa?

– Juan Rulfo e Álvaro Cunqueiro. E outros moitos e moitas, claro.

14.– E na poesía?

-Rosalía de Castro.

15.– Un libro?

-Só un? Pois *Pedro Páramo*, pero hai moitos máis que me interesan que xa lin, e outros que tamén me interesan e que aínda non lin.

16.– Un heroe de ficción?

-Gústame os personaxes tipo Homer Simpson.

17.– Unha heroína?

-Brancaflor, a filla do Demo, polo que representa.

18.– A súa música favorita?

-A que se acompaña de voz, e que diga algo que me interese.

19.– Na pintura?

-Impresionismo e Surrealismo, sobre todo.

20.– Un heroe ou heroína na vida real?

-Non son mitómano, nin me gustan os heroes nin as heroínas.

21.– O seu nome favorito?

-Que empece por A ou por C, e que non sexa moi longo.

22.– Que hábito alleo non soporta?

-A hipocrisía, o cinismo.

23.– O que máis odia?

-O incumprimento dun compromiso.

24.– A figura histórica que máis despreza?

-A todos os ditadores, tiranos e opresores de todo lugar e tempo.

25.– Un feito militar que admire?

-Ningún. Nas guerras sempre hai vítimas inocentes.

26.– Que don natural lle gustaría ter?

-Ter calma nos momentos críticos

27. – De que maneira lle gustaría morrer?

-Sen decatarme, e dentro de moito tempo.

28.– Cal é o seu estado de ánimo máis habitual?

-Animoso.

29.– Que defectos lle inspiran máis indulxencia?

-Os que son produto da ignorancia.

30.– Un lema na súa vida?

-Con paciencia e unha cousa detrás da outra.